

SCRIPT OF MORNING GOJRI NEWS BULLETIN 12MAR 2025

1015HRS

مارننگ گوجری نیوز بولٹن 12 مارچ 2025

یوہ آکاشوانی جموں ہے جاوید چودھری تیں خبر سُنو۔

PM MAURITIUS AWARD

وزیر اعظم نریندر مودی مارشیس غا اعلیٰ ترین شہری اعزاز حاصل کرن آلا پہلا بھارتیہ بن گیا ہیں۔ مارشیس غا وزیر اعظم ڈاکٹر نوین چندر رام گلام نے کل شام پورٹ لوئیس مانہہ ایک تقریب گے دوران اس مزکورہ اعزاز غو اعلان کیو یوہ اعزاز جناب مودی غی بین العوامی سطح ور ۱۲ وی صدی مانہہ پیچان غی فہرست مانہہ وی اضافو کرے۔ مارشیس مانہہ موجود وزیر اعظم نے بھارتیہ برادری نال خطاب کرتا وان مارشیس غی عوام تے حکومت غی طرفوں دتا گیا اعلیٰ ترین شہری اعزاز غو شکریو ادا کرتا وان کہیو جے یوہ اُنہاں واسطے صرف اک اعزاز نہیں بلکہ بھارت تے ماوریشیس بشکار اک تاریخی تے مضبوط رشتہ غو جوہر ہے اُنہاں نے مزیر کہیو جے دوہاں ملخاں بشکار گہرا ثقافتی تعلق تارکین وطن غی گرمجوشی نال ظاہر وے۔ وزیر اعظم نریندر مودی مارشیس غا قومی تہاڑا غی تقریب مانہہ اج مہمان خصوصی غا طور ور شرکت کریں غا یوہ اُنہاں غ ووجو موقعو بے جد ویں مارشیس غا قومی تہاڑا غا موقعو ور بطور مہمان خصوصی گے طور شرکت کر رہیا ہیں۔

CD FUND

جموں کشمیر حکومت نے فیصلو کیو ہے کہ ہر رُکن اسمبلی نانہہ حلقہ ترقیاتی فنڈ سکیم غے تحت سالانہ ۳ کروڑ روپیہ دتا جیں غا۔ آکاشوانی جموں غا نمائندہ غی رپوٹ غے مطابق اس فیصلہ تیں اسمبلی رُکناں نانہہ اپنا حلقہ مانہہ اہم ترقیاتی منصوبہ تجویز کرن تے ان ور عمل در آمد غی نگرانی کرن غو اختیار لبے غو۔ مالی محکمہ نے اس سکیم ور عمل در آمد واسطے ایک تفصیلی سرکولر جاری کیو ہے اس غے مطابق ہر رُکن اسمبلی سالانہ ۳ کروڑ روپیہ تک غو ترقیاتی کماں غی تجویز ضلع ترقیاتی کمشنر نانہہ دے سکیں جہیرا ان ور عمل در آمد کراویں غا نامزد اسمبلی رُکناں نانہہ ای سہولیت دتی گئی ہے کہ وے پورا مرکزی زیر انتظام علاقہ مانہہ کیرے وی منصوبہ تجویز کرسکیں اس سکیم غے تحت تمام ترقیاتی کام اس سال گے اندر مکمل ہو جان چائیں۔ حکومت نے اسمبلی رپکناں اُنہہ ہدایت کی کہ زیادہ تر ۰۱ لکھ تیں کمالگت آلا منصوبہ تجویز کریں تاہم برا ٹھانچہ آلی سکیمیں واسطے زیادہ بجٹ آلا منصوبہ وی پیش کیا جاسکیں با شرطے وہ مقررہ مدت مانہہ مکمل وے یوہ فنڈ سڑکاں غی تعمیر آبپاشی غا منصوبہ بجلی غا نظام مانہہ بہتری تے غریباں غ اگھراں غی تعمیر و مرمت مانہہ استعمال کیا جیں گا۔

CENTRE BAN

مرکزی وزیر داخلہ امت شاہ نے کہیو ہے جہیڑو کوئی وی ملک غا امن غے خلاف سرگرمیاں مانہہ ملوٹ پایو جے گو اُس نانہہ مرکزی حکومت غا سخت اقدام گو سامنو کرنو پے غو۔ سماجی ڈرائے ابلاغ ور اپنا ایک بیان مانہہ وزیر داخلہ نے عوامی ایکشن کمیٹی تے جموں کشمیر اتحاد آل مسلمین ور پابندی غی تصدیق کرتا وان کہیو کہ جہیڑو کوئی وی ملک غا امن قانون ونظم تے خود مختاری غے خلاف کام کرے غو اُس نانہہ مودی حکومت غا سخت رد

عمل غو سامنو کرنو پے غو۔ حکومت نے عوامی ایکشن کمیٹی جس غی قیادت میرویز عمر فاروق کر رہیا ہیں تے جموں کشمیر اتحاد آل مسلمین جس غا سربراہ مسور اباس انساری ہیں ور ۵ سال غی پابندی عائد کی گئی ہے یا پابندی غیر قانونی سرگرمی دفعہ ۷۶۹۱ غے تحت لائی گئی ہے۔ آکاشوانی جموں گا نمائندہ غی رپوٹ غے مطابق وزارت داخلہ نے ۲ علیحدگی نوٹیفکیشن جاری کیا ہیں جن مانہ ان تنظیمیں ور ملک غی کود مختاری تے سلامتی نانہ نقصان پُجان غا الزام لایا گیا ہیں۔ اس تیں علاوہ این آئی اے نے اے سی سی غا ترجمان افتاب احمد شاہ تے دیگر افراد غے خلاف چارج شیٹ داخل کی ہے۔

DGP POONCH

جموں کشمیر پولیس غ اڈاکریکٹر جنرل نلین پر بہات نے گزشتہ روز سرحدی علاقہ ضلع پونچھ پُجیا تانجے حفاظتی صورتحال غو جائیزو لے سکیں۔ آکاشوانی پونچھ غ انمائندہ انوبھو مشری غی رپوٹ غے مطابق ڈی جی پی غے نال آئی جی پی جموں سمیت دیگر اعلی افسراں وی موجود تھا اُنہاں نے سرحد غے قریب گراں سلوترہ غو دورو گیو تے حفاظتی انتظامات غو جائیزو لیو سرحد ور موجود گی غے دوران ڈی جی پی نلین پر بہات نے علاقہ گو معائنو کیو تے حفاظتی دستاں نانہ کہیو کہ جے ویں چوکس بدھاویں خاص طور ور ہالیہ دراندازی غی کوششاں تیں بعد اُنہاں نے حفاظتی دستاں نانہ اعلی درجہ غی نگرانی کرن تیکسی وی ممکنہ خطرہ نانہ روکن واسطے ہمیشہ چوکس رہن غی ہدایت کی اس تیں بعد ڈی جی پی نے اعلی پولیس تے حفاظتی افسراں غے نال ایک اہم میٹنگ کی جس مانہ مختلف حفاظتی ایجنسیاں غے بشکار تعاون نانہ مزید مضبوط بنان ور زور دتو گیو۔

PAK TRAIN

پاکستان مانہ علیحدگی پسند تنازعہ گی اک بڑی شدت مانہ صوبہ بلوچستان مانہ عسکریت پسنداں نے کل پیشاور جان آلی اک ٹرین ور حملو کر غے ۴ سو ۵ مسافراں نانہ یر غمال بنالیو بعد مانہ اُنہاں نے عام لوکاں نانہ عام لوکاں نانہ رہا کیو تے ۳ سو ۴۱ افراد ننانہ قید مانہ لیو جن مانہ فوجی اہلکار بھی شامل ہیں۔ اپنا اک بیان مانہ ملوٹ لبریشن آرمی علیحدگی پسند گروپ نے یر غمال غا ممبران غی زمہ داری قبول کی ہے یاہ ریل جد کوٹہ تیں پیشاور جارہی تھی اس ور فائرنگ کی گئی اس حملہ مانہ ۰۳ تیں متا فوجی اہلکار ہلاک ہو گیا اس سلسلہ مانہ بچاؤ ٹیم تے سلامتی دستاں جائے واقعہ ئی پُج گئیں ہیں تے علیحدگی پسنداں غی تلاشی کاروائی اجوں جاری ہے پاکستان حکومت غا ترجمان نے دعوو کیو ہے جے سیکورٹی دستاں نے تقریباً ۰۸ مسافراں نانہ بچایو ہے۔
